


পুষ্টিপাত ইমেজ

অমিয় চক্রবর্তী

একশত নতুন কবিতা

মুগ্ধিত ইমেজ

অমিয় চক্রবর্তী



বাংলা একাডেমী : ঢাকা

প্রথম প্রকাশ
ভাদ্র : ১৩৭৮
আগস্ট : ১৯৭১

প্রকাশক
ফজলে রাশিদ
পরিচালক
প্রকাশন-মদ্রণ-বিক্রয় পরিদপ্তর
বাংলা একাডেমী
ঢাকা

মদ্রণে
বাংলা একাডেমীর
প্রকাশন-মদ্রণ-বিক্রয় পরিদপ্তরের
মদ্রণ বিভাগ

প রি চ য়

অভিযোগের মধ্যে একটি প্রায় শুনেছি : ‘প্রেমের কবিতা’ আমার রচনায় বিরল। হয়তো ঠিক অর্থ বুঝি নি, কেননা প্রেম পূজা প্রকৃতি ইত্যাদি বর্ণনা গীতবিতানে রবীন্দ্রনাথ স্বয়ং বসালেও বিশেষ কোনো ভিন্নতা ধরতে পারি নি। এমনকি যাকে কায়িক, দৈহিক আখ্যা দেওয়া হয়—কবিতার ক্ষেত্রে তার সঙ্গে একান্ত হৃদয়ের কলামূর্তি, ইমেজ, মানসীয় প্রভেদ আমার কাছে শিল্পিত অর্থে স্পষ্ট নয়। যাই হোক, লৌকিক পদাবলি, প্যাস্টোরাল পুরোনো এলিজাবেথান্ লিরিক এবং আধুনিক প্রত্যক্ষ ও প্রতীকে মিশিয়ে কিছু সাময়িক প্রেমের কবিতা গেঁথেছি—সঙ্গে যাইল। একটি স্বল্প আখ্যায়িকা এবং একটি বিশেষ লিরিক অবলম্বন করে নাম রাখলাম ‘পুষ্টিত ইমেজ’। বসন্তের সগু স্নো-গলা মুগ্ধ মাটি, নতুন সূর্যরশ্মি পশ্চিম হৃদয়রাজ্যে ফিরে এলো, শীঘ্রই দেখা দেবে অগণ্য পুষ্পাঙ্কিত মে মাসের অবিস্মরণীয় ঐশ্বর্য। তারই আবাহন জানাই।

অমিয় চক্রবর্তী

নির্ণয়

১

হয়েছে ত্রিকোণ ;

মধ্যস্থলে শাস্ত্রদৃষ্টি কবিরোগী ;

তুই দিকে

অগণ্যস্পন্দিত সন্ধ্যা, পুষ্পের পুণ্যাহ —

একটি মুহূর্ত সরবরাহ ।

ওহায়ো মার্কিনি নদী চলেছে উছোঁগী

শিলাশাস্ত্র তীরে ম্লান রোদের সম্প্রীতি,

বালি মুহূর্ত বিকৃতিকে —

রূপধারা মধ্যকায়া ছায়া ভিন্নহীন

চিত্রস্বৃতি ॥

২

ত্রিযামাজাগর রাতে নক্ষত্রকল্পন

তারি মধ্যে অরুন্ধতী নেত্রে নিয়ে গণনায় চেন

নতুন জ্যোতিষ্কবিন্দু ;

শূন্যে, উর্ধ্বে

স্তরে-স্তরে তারার কোরকে

অগণ্য আলোর সিদ্ধ —

একটি গ্রহ ফুট হয় দৃষ্টিলোকে

তুরুর সহজ পার্শ্ববর্তী ;

একের লগন ॥

৭

একটি আনন ধ্যান বক্ষে নিয়ে বসি

দূরাস্তুর ঘনশ্যাম ইলিনয় গ্রামে ;

গীতমর্মরিত গ্রীষ্ম ধুলে দেয় দক্ষিণ দরজা—

শতলিপি নিরক্ষর পত্রপর্ণালের তোলে ধ্বজা,

গুঞ্জরিত প্লেন ওঠে নামে ;

বিরিট গোধূলিরেখা ছায়া ধরে মহানগরীর ;

অবিচল আন্তর আসন ।

একদিকে জ্যোতিঃপুষ্প অমর্ত শাখায়,

অন্যপাশে তীব্র ইচ্ছা ক্রান্তির পাথায়—

মধ্যাগ্নিসাধন

সমস্ত জীবনযাগ চিত্তভস্মে হবে অঙ্গীকার,

—দেখা দাও শেষবার ॥

লিকাগো ১৯৬৬

পশ্চিম শহরে

পিৎসা-র দোকানে ওরা তিনজন বাহিরে দাঁড়ায়

কাচের ওপাশে ছই ইতালি-রাঁধুনি

(শাদা রোব্) (অতি আধুনিক)

মস্ত চাক্‌তি ময়দার ঘুরিয়ে-ঘুরিয়ে

ফিন্‌ফিনে করছে নরম,

উনোন — আণ্ডনে সৈঁকে যথেষ্ট গরম

যেই হয় ঠিক

মাংস বা চীজ্ পুর, টোমাটো পুরিয়ে

দর্শক-দর্শকী ভিড় ক্রমেই বাড়ায় —

পুরোনো বস্টন, লাল ইন্‌টের বাঁধুনি ।

গ্রেগরি, সাল্‌ভাডোরি, সঙ্গে বন্ধু (তার নাম, জন্)

শেষে বলে, চলো ভাই, পিৎসা ঐ সেরা,

লাল-ছকা প্লাস্টিকের টেব্ল্-ক্‌থের

উপরে কাচের গ্লাসে নয়নরঞ্জন

প্লাস্টিকের তীব্র ফুল, ওরা নিল ডেরা

শক্ত চেয়ারে, শুধু তৃতীয়টি কন

অর্ডার দেবার বেলা, ‘কফি হলে ঢের —

‘চাই না আজকে কিছু, তোমরা ব’সে খাও, আমি দেখি’.

ছই বন্ধু ভনে তার পিঠ চাপড়িয়ে

‘সাবাস্ ধার্মিক জন্, কৃচ্ছ্ নব্য এ কী —

বড়ো বেশি বোদ্ধ জেন্ ক্রিষ্টীয় মিষ্টিক
উদ্যোগ চর্চার ফলে এসেছ গড়িয়ে, —
খাবে না ?’ — বন্ধুটি শুধু সন্নিধ নিভাঁক

বলে ধীরে, ‘উচ্চ কথা তোমরা জানো আমার সাজে না
বহু বাক্য, কত ভাষ্য লিখেছি পড়েছি
জপেছি, এখন আর সে-সুর বাজে না,
মিথ্যে বলি, সুখী হব শুধু তার স্মৃতি —
তবু তারি মূর্তি মনে গ্রন্থন গড়েছি
নিজেরই স্বার্থের ইচ্ছা বৃথা খুঁজি বুকে —

‘হাসবে না জানি তোমরা প্রগল্ভ প্রলাপ ক্রমা করো,
হারিয়েছি, ভিন্ন পথে চ’লে গেল বাঁকে —
খাওয়া থাকা বসা এই মস্ত শহর
শূন্য হয়ে চেয়ে আছে শীতের প্রহর ;
দোকানে সাজানো সেন্ট, লাইলাক্ স্টল,
চুলের রিবন্ কেনা, সবই প’ড়ে থাকে
যা-কিছু একান্ত সত্য তাই ঝরো-ঝরো,
স্পর্শ নেই শুধু খুঁজি স্মৃতির সম্মল ।’

অবাক গ্রেগরি বলে, ‘সারা বিশ্বে একটির খোঁজে
ট্রলি বাস্ উচু-নিচু পাহাড়তলির
নদী সাঁকো হোটেলের শহর গলির
সবই উবে গেল ? যদি ভাগ্য চোখ বোজে —

সোনা কিংবা কালো চুল, সেই মিষ্টি গলা
নাই পাও—তুমি নিঃশ্ব, পৃথিবী বিকলা ?
এ কোন্ প্রেমের ধর্মে পৌরুষের চলা ?

সালভাডোরি অশ্রু সুরে যেন কোন্ ঘুম থেকে জাগা
বলে, ‘বন্ধু, বুঝি সবই তবু আলো-লাগা
জগৎ সংসার রয় জগৎ সংসার
প্রাণের হিসাব কই, হৃৎকেন্দ্র সংহার
তারি কাছে পৌঁছে দেয়া যাকে ভালোবাসা
স্মৃতি নয়, গতিপথে সর্বোচ্চের আশা—
একান্ত যা চেয়েছি তা চরমে উৎসুক,
বৃকের আগুনে স্নিগ্ধ দেখা তারি মুখ ।’

পিংসা-র ওয়েট্রেস্ এসে ছই থালা ধরে পিংসা-ভরা—
‘মিস্টার, সিন্নোরে, এক টুকরো দিই এনে ?’
আপকিন্ এগিয়ে জন্কে বলে হাসি হেনে,
‘শুধু কফি তা কি হয় ?’—যদিও তৎপরা,
কী ছিল কল্যাণী তার মাতৃক্কে চোখে—
মাথা নেড়ে রাজি জন্ । নিস্তব্ধ আলোকে

যেন স্বগতোক্তি তার—‘এ-দোকানে স্বপ্নের আননে
একদিন ছইজনে এসেছি, জানো না
যে-গেছে, সবই গেছে ; শেষ-প্রাণে শোনা
শুধু যেন মন্ত্বে জাগে—পার্কের কোণে

চাঁদের নীলাঙ্গ আর শ্রীত সন্ধ্যারাতে
বসেছি খানিক, পরে চলি হাতে-হাতে ;
এলেম এখানে — বেশি বলবার নেই,
ভালোবাসত এ-রেন্ডরাঁ, শেষ দেখা সেই ।

‘কিছুই বদলায় নি জানি ছুজনার, তবু — থাক কথা,
চ’লে গেছে আর যোগ হয় নি, হবে না ;
হয়ে ফল নেই । শোনো, গ্রেগরি যে-চেনা
অনিন্দ্য প্রেমের শক্তি, পুষ্পানর্মলতা
ভ’রে তোলে সর্বলে, হ, গৌরবের দেনা
কোনো শেষ নেই তার, অন্তহীন প্রাণ :
শোকে তবে কেন আনে মৃত্যুর আহ্বান ।

‘অকৃতজ্ঞ ? স্বর্গে মর্তে জীবনে চেয়েছি, সাল্‌ভাডোরি
সৃষ্টি-অর্ঘ দিতে তাকে, আলোর গ্রহরী
দাস্তে নই ; নই ধ্যানী আবেলার্ড, যাকে
ছুঃখের উত্তীর্ণ তীর্থে আত্মযজ্ঞধূমে
পূজা দিল, পেল পূজা, প্রার্থনাকুস্মে
এলোয়িস্ ; তবু মর্ম জ্বলে উত্তমাকে
কী সঁপেছি হয়তো আজো সে-ই মনে রাখে ।

‘সামান্য বইয়ের ব্যাবসা, আপিসের দোভাষী কেরানি
কার্টবে বাকি দিন ...’ ছুই বন্ধু দরজায়
দেখে কারা হাসিমুখ যুগল দাঁড়ায়
পিৎসা-র দোকানে ঢুকে, আবার কী জানি

কী ভেবে বাইরে গেল, নিমেষ-কলকে
মেয়েটি ফিরিয়ে চোখ জনকে পলকে
কত যে স্নিগ্ধতা দিল, নতুন সংসারে
যা পেয়েছে তারি সুধা-ভরা স্মৃতিভারে :

হঠাৎ অদৃশ্য তারা, — অবনত শাস্ত শূন্যে চেয়ে
ভাবে জন, আত্মসুখ সামান্য জিনিস —
করুণা-নিঃসৃত ধন্য সারা প্রাণ ছেয়ে
যে-আনন্দ পরমা-র, তারি স্পর্শ পেয়ে
স্নাত আমি, মনে-মনে বলে — অহর্নিশ
তৃপ্ত তোমরা শুদ্ধ কোরো সংসারের বিষ,
একই পথে চলি আমরা । — ওয়েট্রস্কে ডেকে
চায় পিৎসা, ‘আরো আছে ? প্লেটে যাবে রেখে ?’

ছই বন্ধু, একটু থেমে আস্তে বলে, ‘কী ও !
জানতাম পিৎসা-র লোভ অবর্ণনীয় !’

নর্থ হ্যাম্পটন্ ১৯৬৭

পুষ্পিত ইমেজ

আমি তাকে চাই

সেই ধরণীতে —

একটুও বদল নয়, ঠিক সেই গ্রীষ্মবেলা

যেন পাই

পুষ্পিত নিভূতে ;

সেই রঙে-রঙে মেলা

ফুল প্রদর্শনী ভিড়ে হঠাৎ আপন

চে খ বুক শরীরের ধন,

একেবারে ঝাঁপ দেয়া প্রাণ চিরন্তন ।

মৃহুমৃহ হাসি তার সজল হৃ-আঁখি

জীবনে মরণে কাছে রাখি —

ফুলের প্রতিমা সেই ফুলে-ফুলে উঠেছে কুসুমি

আলোয়-আলোয় অঙ্গ চুমি —

চাই তাকে

হৃজনার নাম-ধরা ডাকে ।

মনোভূলে

ছুঁলো একটি ফুল হেসে কোমল আঙুলে

চেয়ে দেখল ফিরে —

শুধু চাই সেই তাকে ধরণীর তীরে

শেষ নেই যে-সুখার সেই তাকে ঘিরে ॥

নর্থ হ্যাম্পটন ১৯৬৭

জৈবুন্নিসা

অতীন্দ্রিয় চোখে
বসোরার
গোলাপ-বাগানে
কী লগ্নে মিলনরশ্মি হঠাৎ বিজুলি ঘাতে
এক হল
দুই প্রাণে —
পরম প্রভাতে
ছলছল
তাই দেখি নি কি ?
তবুও তরঙ্গ বুক
আসঙ্গ নিঃশেষ সুখ
আজ কোথায় —
রূপাগ্নি আলোকে
চরম প্রতীকী
ছিল ব্যথা
ঝরঝর নির্ভরতা
প্রেমাক্ষর আনন্দ অধ্যায় —
বসোরার নতুন গোলাপ
কাদের শোনাবে সেই কথা ॥

ও-পাড়ায়

দূর নয়, দুটো ব্রিজ পাঁচ ব্লক বাড়ি,
কেন্মোর্ স্কোয়ারের রঙিন তুফান
উপচে-পড়া চূড়া-নীল ব্যাঙ্কে ট্রাফিকে
সেই আজো ; আর একটু যেয়ো
সরু গলি উচু-ওঠা পুরোনো বস্টনে ।
তার পরে দরজা থেকে ফিরে এসো, গুণে হিম-রাতে
প্রত্যেক পার্কের গাছ, স্ট্রেট-ইট বইয়ের দোকান ;
নিঃশব্দ তুমার শুভ্রতায়
আলো চোখে আর্দ্র কাছে পরিচয় পাবে,
গতির অদৃশ্য যত গাড়ি যাত্রী ভিড়ে ;
দেখো পথিকের মুখ ঐ পথে শেষবার চ'লে ॥

১৯৬৬

উৎসব

কখনো ভেবেছ ? দূর দেশে
ক্ষুদ্র গ্রামে যেতে-আসতে মহনীয় ছায়া
নেমে আসবে দোকানের কাছে, ফুটপাথে
লুটোবে কান্নার মন্ত্র, বিশ্ববিজয়িনী
বাজবে শব্দ, পুষ্পবৃষ্টি ঝরবে গলিতে —
অগণ্য যাত্রীর মধ্যে প্রবাসী একজন
শুনবে স্তব্ধ বিশ্বে তার মৃদু কণ্ঠধ্বনি
এই দিনে ॥

১৯৩৮

উদ্দেশ

যেখানে পূর্বের দিন স্বর্ণাঙ্ক সঙ্ক্যায়
ধীরে-ধীরে মিলে যায়, আমার উত্তমা
সেখানে দাঁড়িয়ে ধ্যানসমা, সিদ্ধপারে
যে-তোমার পাশ্বে গেছে তারি দ্বারে, বুকে
প্রেমাগ্নি সম্মুখে ; শাস্ত প'রো সেই বেশ
নীল-হল্‌দে, স্বপ্নশেষ রাঙা মেঘে-মেঘে
সেই লগ্ন আছে জেগে, অচিন্ত্য মিলন
অস্তিমের পরিণয়ে ভঙ্কক গগন ॥

১২৬৬

যুগের পথ

আনন্তিক গ্রীন বাস, অনন্ত স্বর্গের মেঘলা বেলা,
অমরাবতীর ভিড় রাস্তার ধুলোর পথিকের—
ধৌত চোখে দেখি ; শুনি, পুষ্পপত্রে ধ্বনি 'সাধু সাঃ'
পার্কের মলিন গাছে । অমর্ত গ্যাসের আলো সারি
আমি-যে প্রেমের যাত্রী, চলেছি কোথায়
ভুলে যাই আর সব, শুধু জানি বুকের পকেটে
তার শাদা কাগজের চিঠি আছে, এ-জীবনে
পেয়েছি সে ডাক-চিঠি, যেতে হবে শুধু
অনির্নীত যুগ পথে, হোক ছুঁখে, হোক স্নুখে জাগা

১৯৬'

দ্বৈত

প্রিয় পাথর,
তুমি শক্ত, স্থিত
অপেক্ষাকৃত
অক্ষর ।
আমি জল
তোমায় ঘিরে বার-বার উচ্ছল
তরল,
বুক মানে না যে—
চৈতন্যে শিলা বাজে,
প্ৰৈতি তোমার পদপাত,
তুমিও কি পাও আঘাত ?

প্রিয় জল,
শুকনো অবর্ণ আমি
সমস্ত ক্ষুধায় তোমার স্বামী
চাই তোমার রঙ, বোধন, আসক্তি
মাধবী তুমি, মধুর নিঃসৃত শক্তি
লহরী, স্নাত, পরিমল ।
হে জল
কেবলি বিচ্ছেদ, অচির মিলন
অঙ্গে-অঙ্গে পরিশীলন—
কবে
রৌদ্রে সমুদ্রে তুজনার সত্তা এক হবে ?

১৯৬৭

শ্রোতস্বিনী

গতিময় ফুলবৃন্ত, চলন্ত বকুল
এনেছিলে স্তব্ধতার ভুল —
সুরভি কোরক ওগো, অনিন্দ্য প্রেমের পুষ্পভার
— কোথাও চিহ্নই নেই আর ॥

১৯৬৭

সংগতি

বসন্তসৌরভ

বৈরাগ্য পবনে মিশেছিল,

ছুটি ফুল সে-লগনে

দেখা দিল ;

প্রাণের গৌরব

এদিনের জীবনে-মরণে

আন্দোলনে

সেই তো ছুড় ন বহি ক্ষণে-ক্ষণে ॥

১৯৬৭

উদ্দেশ্যে

আম্বে সূর্য্যবৰ্ভে সবে
দিনের অন্ধরে
প্রাণ—

রাঙা ভোর সন্ধ্যায়িতে ক্রব অবসান;
দিয়েছিলে এই দিনে অফুরন্ত দান ॥